

Incipit opus preclarum super utrumque testamentum. magna cum diligentia et labore correctum opus quidem utilissimum omnibus studiosis qui reuelatis oculis considerare cupiunt mirabilia de lege dei maxime tamen hijs qui edificationi et salutis proximorum predicando insistant. quod intulatus Moralizationes biblie. ad laudem et honorem nominis casti.

Incipit prologus



Quia natura maiestate scrutata post laborum et sudorum molestias iam appropinquat ad litus. Nestat post moralizatas proprietates creaturae et figurarum. nec non superadditas expositiones morales enigmatum poetarum. moralizare et exponere figuras et parabolae scripturarum. Quia enim scriptum est quod auditor sapiens aduertet parabolam et interpretationem. verba sapientium et enigmata occultaque proverborum exquirat et in absconditis parabolarum conuersabitur sicut promittitur proverborum. i. et ecci. xxxix. Dignum michi visum est unum tractatum de moralizatione aliquarum figurarum biblie huic o-

peti meo inferere et paucas emittis eligere. et preter expositiones omnes que posite sunt a doctoribus et a glossis aliquam moralem expositionem ad creatoris laudem et gloriarum ordinare. Protestor ergo quod non intendo me intromittere vel curare de vero et litterali intellectu figurarum hystoriarum et enigmatum. cum reuera tenuitate ingenij mei non deceat quod intat ad tam ardua manum suam. presertim cum sancti et doctores nichil intactum voluerunt dimittere. nec iustum sit quod meae solem facibus adiuuare. Sed solum aliquas figuras magis notabiles eligere intendo. quas solum superficialiter quantum ad simplicium formationem utile iudicauero ad mores applicare propono. Nec omnia que ponam hec michi attribuo quoniam multorum dicta me legisse confiteor et in multis passibus ipsorum me verbis vel sententijs ut humiliter recognosco. Numquam enim michi placuit alienam gloriam michi attribueret nec aliorum ingenijs derogare. Scio enim quod unusquisque in suo sensu habundat secundum apostolum. Et ideo non ignoro quod homini naturaliter displicet si alius eius labores et opera sibi attribuat et ascribat. et alieno pallio se se tegat.

Expliat prologus

Incipit liber cuius titulus est Moralizationes biblie a primo sequitur moralizationes hystoriarum libri genesis.